



## Concello de Xermade

### ANUNCIO

#### **Asunto: aprobación das bases e a convocatoria do “III Concurso de decoración de Nadal”**

A Xunta de Goberno Local do Concello de Xermade, na sesión extraordinaria celebrada o 30/11/2022 aprobou as bases e a convocatoria do III Concurso de decoración de Nadal, que se transcriben íntegramente:

#### **“BASES DO III CONCURSO DE DECORACIÓN DE NADAL**

O Concello de Xermade convida a toda a veciñanza a participar nun concurso de decoración de Nadal, co fin de dinamizar a participación activa da cidadanía, fomentando a súa creatividade, e incentivando a ilusión das máis pequenas e pequenos.

Aquelas persoas que queiran participar deben seguir as presentes bases do concurso:

#### **Primeira.- Categorías e participantes:**

As categorías do concurso serán:

- 1) Vivendas: Árbore de Nadal
- 2) Vivendas: Nacemento/Belén
- 3) Vivendas: Decoración xeral interior
- 4) Vivendas: Decoración exterior
- a) Negocios: Decoración xeral

Na participación por vivendas, a inscrición debe facerse a nome dunha persoa empadroada en dita vivenda do concello. Unha mesma vivenda pode escoller participar nas categorías 1), 2), 3), e/ou 4), máximo a catro categorías, mínimo de unha.

Na participación por negocio, a inscrición será a nome da persoa titular do mesmo. A súa participación será exclusivamente na categoría a).

#### **Segunda. Temática**

O tema do concurso será a festividade do Nadal, os motivos tradicionais da mesma, tendo as persoas participantes plena liberdade no referente a técnicas e estilos.

#### **Terceira.- Criterios de valoración**

Dentro dos criterios xenéricos terase en conta a creatividade, orixinalidade e vistosidade. Tamén se valorará o uso de materiais naturais e reciclados, así como a introdución na decoración de elementos representativos do Concello de Xermade.

O xurado pode considerar deserta unha categoría se valora que as propostas non reunen calidade suficiente para ser merecedoras do premio.

#### **Cuarta.- Inscrición**

A data de inscrición estará aberta desde a publicación destas bases ata o 21 de decembro ás 14.30.

Para facela efectiva, será necesario enviar por email ([educadora.familiar@xermade.org](mailto:educadora.familiar@xermade.org)) ou whatsapp (678 744 178):

- Categorías 1), 2), 3), e 4): nome, número de DNI e dirección postal da persoa representante (empadroada no concello) con 3 fotografías\* por cada categoría á que se presenten.
- Categoría a): o nome do negocio, nome da persoa propietaria do mesmo, número de DNI,





## Concello de Xermade

---

*dirección postal do negocio e 3 fotografías\* da decoración de Nadal que consideren.*

*(\*As fotografías enviadas poderán ser expostas na web e redes sociais do Concello de Xermade.)*

### **Quinta.- Xurado**

*O xurado estará formado polas seguintes persoas:*

*Presidente: Don Roberto García Pernas, alcalde presidente do Concello de Xermade.*

*Vogais:*

*1º Dona Tamara Rodríguez López, deseñadora e xerente de Mobelrías (Vilalba).*

*2º Dona Miriam Alonso Domínguez, Auxiliar de Biblioteca do Concello de Xermade.*

*3º Dona Nuria Felpeto Lagüela, Traballadora social do Concello de Xermade.*

*Secretaria: Dona Lucía Guizán Trastoy, educadora familiar do Concello de Xermade.*

*O fallo do xurado e a entrega de premios levarase a cabo na última semana de decembro.*

### **Sexta.- Premios**

*O premio por cada categoría será unha cesta valorada en 130 €, conformada por produtos de alimentación e un vale para carburante.*

*En caso de quedar deserta algunha das categorías, poderase trasladar un segundo premio a calquera das demais.*

*Da reunión do xurado realizarase unha acta na que se incluírán o número de traballos presentados, así como as persoas premiadas por cada unha das cinco categorías (catro de vivendas e unha de negocios).*

*Existe crédito axeitado e suficiente na aplicación orzamentaria 338 226 do vixente orzamento de gastos por importe de 650,00 euros para facer fronte ao presente gasto.*

### **Sétima.-Datos de carácter persoal**

*Os datos persoais obtidos neste procedemento serán tratados na súa condición de responsable polo Concello de Xermade, coa finalidade de levar a cabo a tramitación administrativa que derive da xestión deste procedemento.*

### **Oitava.- Aceptación**

*A participación no concurso supón a aceptación destas bases, sobre as que, diante de calquera dúbida, prevalecerá a resolución que adopte o xurado, por maioría simple dos seus membros.*

*O incumprimento das bases suporá a descalificación no concurso. En contra das decisións do xurado non caberá ningún tipo de recurso.”*

En Xermade, na data da sinatura dixital.

O alcalde  
Roberto García Pernas

